



**DEIALDIA, BI IZANGAI-ZERRENDA –BAT PRESTAKUNTZARAKO, ETA BESTEA ALDI BATERAKO KONTRATAZIORAKO– HAUTAPROBEN BITARTEZ OSATZEKO, ELIKAGAI INDUSTRIAKO GOI-MAILAKO TEKNIKARI LANPOSTUAN ARITZE ALDERA, IRUÑEKO UDALEAN GERTATZEN AHAL DIREN BEHARRAK ASETZEARI BEGIRA.**

Iruñeko Udaleko Giza Baliabideetako zuzendariak deialdia onartu zuen 2017ko apirilaren 26an:

**I. DEIALDIA, IZANGAI-ZERRENDA BAT OSATZEKO, ELIKAGAI INDUSTRIAKO GOI-MAILAKO TEKNIKARI ARITZE ALDERA, PRESTAKUNTZARAKO ZERBITZU BEREZIEN EGOERAN.**

Hona deialdi hau arautuko duten

**OINARRIAK**

Lehena.- Deialdia iragartzen da izangai-zerrenda bat hautaprobek bitartez osatzeko, Elikagai Industriako goi-mailako teknikari lanpostuan prestakuntzarako zerbitzu berezien egoeran aritze aldera, Iruñeko Udalean aldi-aldi gertatzen ahal diren beharrak asetzeari begira.

Bigarrena.- Izangaiek bete beharreko baldintzak.

2.1. Izangaiek, eskaerak aurkezteko epea bukatzen den egunean, baldintza hauek bete beharko dituzte:

a) Iruñeko Udalaren edota haren erakunde autonomoen zerbitzuko langile finkoak izatea, D mailakoak, eta eskubidez dagokien gehieneko prestakuntza-aldia agorturik ez edukitzea.

b) Lanpostuan gutxienez hiru urte benetan eman izana.

c) Ez egotea borondatezko edo nahitaezko eszedentzian.

d) Lanbide Heziketako Elikagai Industriako goi-mailako teknikarien titulua, edo horien baliokidea den titulu bat edukitzea, edo hura erdiesteko maneran egotea eskabideak aurkezteko mugaegunean.

Atzerrian eskuratutako titulazioen kasuan, horien homologazio-egiaztatzea eduki beharko dute.

e) Ibilgailuak gidatzeko B motako baimena edukitzea.



2.2. Deialdi honi dagokion Elikagai Industriako goi-mailako teknikari lanpostuan prestakuntzarako zerbitzu berezien egoeran aritzeko izangai-zerrenda bat osatze aldera hautatutako izangaiek aukera izanen dute euskara berriazko betekizun gisa dituzten lanpostuak betetzeko, baldin eta eskabideak aurkezteko mugaegunean Nafarroako Gobernuak ematen duen Euskararen Gaitasun Agiria (EGA) badute, edo ofizialki baliokidetzat jotzen den titulazioa, eta, zehazki, Hizkuntzen Europako Erreferentzia Esparru Bateratuaren C1 mailaren baliokidetzat jotzen den beste edozein agiri.

2.3. Izangaiek eskabideak aurkezteko unean egiaztatu beharko dute oinarri hauetako 2.1. d) eta 2.1. e) letretan eta 2.2. zenbakian eskatzen diren titulazio-baldintzak betetzen dituztela, behar diren agiriak aurkeztuta.

2.4. Izangaiek aurreko baldintza guztiak bete beharko dituzte, eskabideak aurkezteko epea bukatzen den egunean ez ezik, hala dei egiten zaienean nola prestakuntzak dirauen bitartean ere.

Hirugarrena.- Hautapoben nondik-norakoak eta balorazioa.

Hautapen-prozesua ebazpen honetan bi deialdietarako onetsitako arau komunetan ezarritakoarekin bat egingen da.

Laugarrena.- Prestakuntzako izangaiei dei egitea.

Izangaiei deitzea, eta, hala badagokie, prestakuntzarako zerbitzu berezietako egoeran aritzeko izendapena honako hauetan ezarritakoarekin bat egingen dira: apirilaren 14ko 96/1997 Foru Dekretua eta dagozkion aldaketak, Tokiko Gobernu Batzarrak 2017ko apirilaren 25ean onetsitako Akordioa –Iruñeko Udalean langileak administrazio araubidean kontratatzea erregulatzen duena– eta haren eguneratzeak, bai eta aplikagarriak diren gainerako arauak ere.

Aipatutako Akordioan berriaz ezartzen da prestakuntzarako zerrendak lehentasuna izanen duela aldi baterako kontrataziorako hautapen-probetarako deialdi publikoen bidez eratutako izangai-zerrendarekiko.

## **II. DEIALDIA, IZANGAI-ZERRENDA BAT OSATZEKO, ELIKAGAI INDUSTRIAKO GOI-MAILAKO TEKNIKARI LANPOSTUAN ALDI BATERAKO KONTRATU BIDEZ ARITZE ALDERA.**

Hona deialdi hau arautuko duten

### **OINARRIAK**



Lehena.- Deialdia iragartzen da izangai-zerrenda bat hautaprobeen bitartez osatzeko, Elikagai Industriako goi-mailako teknikari lanpostuan aritze aldera, Iruñeko Udalean aldian-aldian gertatzen ahal diren beharrak asetzeari begira.

Bigarrena.- Izangaiek bete beharreko baldintzak.

2.1. Izangaiek, eskabideak aurkezteko epea bukatzen den egunean, baldintza hauek bete beharko dituzte:

- a) Espainiako herritarra izatea, edo Europar Batasuneko beste estatu batekoa, edo Europar Batasunak sinatu eta Espainiak berretsitako nazioarteko itunak direla medio langileen zirkulazio librea aplikagarria duen eremuko estatu batekoa.

Espainiarren eta Europar Batasuneko beste estatu bateko edo aipatu nazioarteko itunak sinatutako beste estatuetakoa herritarren ezkontideek ere parte har dezakete, betiere, zuzenbidez bereizita ez badaude, eta, orobat, beren ondorengoek eta ezkontideenek – zuzenbidez bereizita ez badaude–, hogeita bat urtetik beherakoak badira, edo adin horretatik gorakoak izanda haien kargura bizi badira.

- b) Hamasei urte beteak izatea eta nahitaezko erretiroa hartzeko ezarritako adina gainditua ez izatea.
- c) Lanbide Heziketako Elikagai Industriako goi-mailako teknikarien titulua, edo horien baliokidea den titulu bat edukitzea, edo hura erdiesteko maneran egotea eskabideak aurkezteko mugaegunean.

Atzerrian eskuratutako titulazioen kasuan, horien homologazio-egiaztagiria eduki beharko dute.

- d) Ibilgailuak gidatzeko B motako baimena edukitzea.
- e) Behar besteko gaitasun fisiko eta psikikoa izatea, bete behar dituen eginkizunetan aritzeko.
- f) Eginkizun publikoetan aritzeko desgaitu edo gabeturik ez egotea, ezta inongo Administrazio Publikoren zerbitzutik bereizita ere.

Espainiarrak ez diren izangaiek zinpeko aitortpen bat aurkeztu beharko dute, edo hitz eman, adierazteko ez dutela, beren estatuan, Funtzio Publikoan sartzea galarazten dien diziplina-zehapen edo kondena-penalik.

2.2. Deialdi honi dagokion Elikagai Industriako goi-mailako teknikari lanpostuan aritzeko izangai-zerrenda bat osatze aldera hautatutako izangaiek aukera izanen dute euskara berriazko betekizun gisa dituzten lanpostuak betetzeko, baldin eta eskabideak aurkezteko mugaegunean Nafarroako Gobernuak ematen duen Euskararen Gaitasun Agiria (EGA) badute, edo ofizialki baliokidetzat jotzen den titulazioa, eta, zehazki, Hizkuntzen Europako Erreferentzia Esparru Bateratuaren C1 mailaren baliokidetzat jotzen den beste edozein agiri.



2.3. Izangaiek agirien bitartez egiaztatu beharko dute oinarri hauetako 2.1. c) eta 2.1. d) letretan eta 2.2 zenbakian eskatzen diren titulazio-baldintzak betetzen dituztela eskabideak aurkezteko unean.

2.4. Izangaiek aurreko baldintza guztiak bete beharko dituzte, eskabideak aurkezteko epea bukatzen den egunean ez ezik, hala dei egiten zaienean nola kontratazio-aldian ere.

Hirugarrena.- Hautapoben nondik-norakoak eta balorazioa.

Hautapen-prozesua ebazpen honetan bi deialdietarako onetsitako arau komunetan ezarritakoarekin bat egingen da, baina deialdi honetan merezimenduak ere baloratuko dira, gehienez ere 10 punturekin.

3.1. Euskararen ezagupena, ofizialki egiaztatuta (gehienez, 10 puntu).

1. Euskara
  - a. B2 maila: 8 puntu
  - b. C1 maila: 10 puntu

Tituluak eta egiaztagiria Hizkuntzen Europako Erreferentzia Esparru Bateratuan ezarritako mailekin bat baloratuko dira. Maila horiek Nafarroako Administrazio Publikoko Institutuko zuzendari-kudeatzaileak emandako irailaren 13ko 210/2010 ebazpenean jasota daude, zeinak ezartzen baititu euskararen eta Europar Batasuneko hizkuntzen jakite-maila egiaztatzen duten titulu eta ziurtagirien arteko baliozkotzeak, Hizkuntzen Europako Erreferentzia Esparru Bateratuaren arabera (2010eko 117. Nafarroako Aldizkari Ofiziala, irailaren 27koa).

Maila gorenari dagokion puntuazioa emanen da.

3.2. Epaimahaiak ezin izanen du inolaz ere kontuan hartu alegatu gabeko eta agirien bidez frogatu gabeko merezimendurik, ezta atal bakoitzerako aipatzen den gehieneko puntuazioa baino altuagorik eman ere.

Epaimahaiak azalpenak eta datu osagarriak eskatzen ahal ditu izangaiek alegatutako merezimenduen gainean.

Merezimenduen emaitzak hautaprobak egin ondoren argitaratuko dira, izangaien izena, abizenak, NANA eta puntuazioa adierazita. Bi deialdietarako arau komunetan –laugarren oinarrian– ezarritako hautapropa guztiak gaitu dituzten izangaien merezimenduak baino ez dira baloratuko.

Merezimendu horiek egiaztatzen dituzten agiriak aurkezteko, bi egun balioduneko epea izanen da, azken probaren (bigarrena) emaitzak argitaratu eta biharamunetik aitzina.

Merezimenduen balorazioaren aurka erreklamazioa paratzen ahalko da, 3 egun balioduneko epean, emaitzak Udalaren webgunean argitaratu eta biharamunetik aitzina, Udalaren edozein erregistroan eskabidea aurkeztuta.

Laugarrena.- Dei egitea aldi baterako kontrataziorako izangaiei.



Izangaiei deitzea, eta hala badagokie, haien kontratazioa, honako arau hauetan ezarritakoarekin bat egingen dira: Nafarroako Administrazio Publikoen Zerbitzuko Langileen Estatutuaren Testu Bategina onetsi zuen abuztuaren 30eko 251/1993 Legegintzako Foru Dekretuaren 88. artikulua eta hurrengoak, deialdi honen oinarriak, Tokiko Gobernu Batzarrak 2017ko apirilaren 25ean onetsitako akordioa –langileak administrazio araubidean kontratatzea erregulatzen duena– eta haren eguneratzeak, bai eta aplikagarriak diren gainerako arauak ere.

Deia egiterakoan, aintzat hartuko da Nafarroako Administrazio Publikoetako Langileen Estatutuaren Testu Bateginaren zazpigarren Xedapen gehigarrian ezarritakoa, eta horretarako, % 33ko desgaitasuna edo handiagoa duten izangaiek egoera hori egiaztatu beharko dute organo eskudunak egindako jatorrizko agiria aurkeztuta, edo kopia konpultsatua edo legeekin bat kautotua.

### **III. BI DEIALDIETARAKO ARAU KOMUNAK.**

Lehena.-Eskabideak aurkezteko epea.

Bi deialdietan, eskabideak aurkezteko epea hamar egun naturalekoa izanen da, deialdi hauek iragartzen dituen aipamena Nafarroako Aldizkari Ofizialean argitaratu eta biharamunetik aitzina kontatuta. Deialdien testu osoa eskuragarri egonen da Iruñeko Udalaren webgunean ([www.pamplona.es](http://www.pamplona.es)) eta Herritarrendako Arreta Bulegoan.

Bigarrena.-Eskabideak.

2.1. Deialdietan parte hartzeko eskabideak Iruñeko Udalaren edozein Erregistrotan aurkeztu beharko dira, edo Administrazio Publikoen Administrazio Prozedura Erkideari buruzko urriaren 1eko 39/2015 Legearen 16.4 artikuluan aipatzen diren bideetako edozein erabiliz.

Eskabideak I. eranskinean jasotako ereduari lotuko zaizkio. Eredu hori eskuragarri egonen da Iruñeko Udalaren Herritarrendako Arreta Bulegoan eta Internet bidez, [www.pamplona.es](http://www.pamplona.es) webgunean.

Parte hartzeko eskabidean, izangaiek adierazi beharko dute eskatutako baldintza guztiak betetzen dituztela eskabideak aurkezteko epea bukatzen den egunean.

Eskabidearekin batera, izangaiek honako agiri hauek aurkeztu beharko dituzte, betiere ezertan galarazi gabe kontratatuak izateko deituak direnean jatorrizko dokumentuak edo fotokopia konpultsatuak edo legeekin bat kautotuak aurkezteko beharra:

- Nortasun Agiri Nazionalaren fotokopia edo izangaiaren nazionalitatea eta nortasuna egiaztatzen dituen agiriarena, eta behar izatera, aldi baterako kontrataziorako deialdiaren 2.1.a) letran eskatutako nazionalitate- eta ahaidetasun-baldintzei buruzko agiriarenak.
- Lanbide Heziketako Elikagai Industriako goi-mailako teknikarien tituluaren fotokopia, edo horren baliokide batena.
- Ibilgailuak gidatzeko B motako baimenaren fotokopia.
- Euskararen Gaitasun Agiriaren (EGA) edo baliokide baten fotokopia.



Aipatutako agiri horiek aurkezten ez dituztenak ez dira deialdian onartuak izanen, eta ordura arteko egintza guztiak baliorik gabe geldituko dira, haien eskabidearen faltsukeria dela-eta legokiekeen erantzunbeharra ezertan galarazi gabe.

Desgaitasun bat aitortuta duten izangaiek hori frogatzeko agiria –organo eskudunak emana– aurkeztu beharko dute eskabidearekin batera. Halaber, denboraren eta baliabideen aldetik behar dituzten egokitzapenak eskatu ahalko dituzte –beharrezkotzat joz gero–, eskabidean bertan adierazita, eta, horrez gain, aparteko orri batean azaldu zer-nolako desgaitasuna duten eta eskatutako egokitzapenak.

Hirugarrena.- Izangaiei onarpena. Behin-behineko zerrenda eta behin betikoa.

Behin eskabideak aurkezteko epea amaituta, Iruñeko Udaleko Giza Baliabideetako zuzendariak onartuen eta baztertuen behin-behineko zerrenda onetsiko du, eta zerrenda ikusgai paratuko da Iruñeko Udalaren webgunean ([www.pamplona.es](http://www.pamplona.es)) eta Udalaren iragarki-taulan –Udaletxean bertan–, zerrendan izangaiei izena, abizenak eta NANA adierazita.

Egun horretatik aitzina, izangaiek bost egun baliioduneko epea izanen dute erreklamazioak aurkezteko eta eskabidean egindako akatsak zuzentzeko, Udalaren edozein erregistrotan eskabidea aurkeztuta.

Behin erreklamazioak aurkezteko epea bukatu eta erreklamazioak ebatzita, Iruñeko Udaleko Giza Baliabideetako zuzendariak onetsiko du izangai onartuen eta baztertuen behin betiko zerrenda (izena, abizenak eta NANA agertuko dira, eta baztertuen kasuan, bazterketaren zergatia), eta agindua emanen du ikusgai paratzeko Udalaren webgunean eta iragarki-taulan. Zerrendekin batera, deialdi honetan aurreikusitako lehenengo hautaprobea egiteko eguna eta tokia ere emanen dira argitara.

Izangaiekin inor baztertu ez bada, behin betiko zerrenda zuzenean onetsiko da (izena, abizenak eta NANA adierazita) eta Iruñeko Udalaren webgunean nahiz iragarki-taulan argitaratuko da, hautaprobea egiteko egunarekin eta tokiarekin batera.

Onartuen zerrendan agertzeak ez du esan nahi izangaiei aitortzen zaienik deialdietan eskatutako baldintzak betetzen dituztela. Izangaiek aurkeztu behar duten dokumentazioa –edo Administrazioak jasotakoa– aztertzean ondorioztatzen bada eskatutako baldintzaren bat ez dutela betetzen, interesdunek deialdietan parte hartzeagatik bereganatutako eskubide guztiak galduko dituzte.

Laugarrena.- Probak. Hautapen-prozesuak bi deialdietarako komunak diren bi hautaprobea izanen ditu.

4.1. Lehenengo proba. Izangaiek proba teorikoan test erako galderak dituen galdetegi bat idatziz erantzun beharko dute –Epaimahaiak aurrez adierazitako gehieneko denboran–. Galderak Deialdi honen II. eranskinen gai-zerrendan agertzen diren gaiei buruzkoak izanen dira; galdera bakoitzari erantzuteko lau aukera egonen dira, eta horietako bat izanen da balio duena.



Proba honek gehienez ere 25 puntuko kalifikazioa izanen du. Proba egin aurretik zehaztuko dira hori baloratzeko irizpideak eta nola zigortu akatsak aukera anitzeko erantzunak dituzten galderetan. Proba gaindituko dute ezarritako gehienezko puntuazioaren % 50 (12,50 puntu), gutxienez, lortzen duten izangaiek.

Bigarren probarako deituko dira lehenengo proba gainditu eta notarik altuenak lortzen dituzten 15 izangaiek.

Deialdi honen xede den zerrenda agortuko balitz, izangairik ez egoteagatik lanerako deitzeko moduan, deialdi osagarriak egin ahalko dira lehenengo proba gaindituta (gutxienez 12,50 puntu) eduki eta bigarren probara deituak izan ez diren izangaiek proba praktikoa egin dezaten.

Kasu guztietan, deialdi osagarri horiek gainditzen dituzten izangaiek lehenengo deialdian gainditutakoen atzetik egonen dira kontratazio-zerrendan.

4.2. Bigarren proba. Proba teoriko-praktikoa: Izangaiek kasu praktikoa bat ebatzi beharko dute, Deialdi honen II. Eranskinean ageri diren gaien inguruko bost galdera erantzunez.

Epaimahaia proba hasterakoan adieraziko du probaren iraupena.

Proban gehienez ere 65 puntu eskura daitezke. Probaren balorazio-irizpideak hura hasi aurretik zehaztuko dira. Proba praktikoa guztira ezarritako gehienezko puntuazioaren % 50 (32,50 puntu), gutxienez, lortzen duten izangaiek gaindituko dute.

4.3. Proba bakoitzerako deialdi bakarra egiten da, eta izangaiek Nortasun Agiri Nazionala, AIZ edo pasaportearen aldean dutela azalduko dira haietara. Agertzen ez diren edo nortasuna egiaztatzen ez duten izangaiek baztertuta geldituko dira.

4.4. Hautaprobak egin bitartean, beharrezko egokitzapenak ezarriko dira, probak egiteko denboraren nahiz bitartekoen aldetik, desgaitasuna aitortua eduki eta eskabidean halakorik eskatu duten izangaiendako.

4.5. Proba bakoitza egin ondoren, izangai bakoitzaren emaitzak argitaratuko dira Udalaren webgunean eta iragarki-taulan, izangaien izena, abizenak, NANA eta puntuazioa adierazita.

Proba bakoitzaren emaitzen aurka erreklamazioa paratzen ahalko da, 3 egun balioduneko epean, emaitzak Udalaren webgunean argitaratu eta biharamunetik aitzina, Udalaren edozein erregistrotan eskabidea aurkeztuta. Behin erreklamazioak ebatzita, eta hala badagokio, egin beharreko hurrengo probaren eguna eta tokia adieraziko dira.

Bosgarrena.- Kalifikazio-epaimahaia.

5.1. Epaimahaia honako kide hauek osatuko dute:

Epaimahaiburua: Roberto Hernández Galindo, Iruñeko Udaleko Hiri Ekologiako eta Mugikortasuneko Alorreko mediku kudeatzailea



Ordezkoa: Camino Jaso León, Iruñeko Udaleko Hiri Ekologiako eta Mugikortasuneko Alorreko zuzendaria

Epaimahaikidea: Alberto García Zabalegui, Hiri Ekologiako eta Mugikortasuneko Alorreko al baitaria

Ordezkoa: Nuria Esther Crespo Delgado, Hiri Ekologiako eta Mugikortasuneko Alorreko al baitaria

Epaimahaikidea: María Resano Zuazu, Hiri Ekologiako eta Mugikortasuneko Alorreko al baitaria

Ordezkoa: Ana Carmen Velasco Albaño, Hiri Ekologiako eta Mugikortasuneko Alorreko al baitaria

Epaimahaikidea: Ignacio García González, Iruñeko Udaleko Langileen Batzordearen ordezkaria, Batzordeak berak izendatua.

Ordezkoa: Luis Miguel Goñi Sos, Iruñeko Udaleko Langileen Batzordearen ordezkari bat, Batzordeak berak izendatua.

Epaimahaikide-idazkaria: Guillermo Minchinela Zarraluqui, Hiri Ekologiako eta Mugikortasuneko Alorreko idazkari teknikoa.

Ordezkoa: Paloma Sánchez Ruiz, Hiri Ekologiako eta Mugikortasuneko Alorreko legelaria

5.2. Epaimahaiko kideek parte hartzeari uko egin beharko diote, eta Tokiko Ekonomia Jasangarriko Alorreko Giza Baliabideetako zuzendaritzari jakinarazi hori, Sektore Publikoaren Araubide Juridikoari buruzko urriaren 1eko 40/2015 Legean horretarako aurreikusiak dauden arrazoak suertatzen bada.

Izangaiek, halaber, zilegi izanen dute epaimahaikideak errefusatzea, halako inguruabar horietako bat gertatzen bada.

Epaimahaiaren osaera aldatzen bada, epaimahaikideek parte ez hartzeko edota haiek errefusatzeko lege ezarritako kasuak direla-eta, jendaurrean emanen da horren berri izangai onartuen eta baztertuen zerrendekin batera.

5.3. Epaimahaia hautaprobak hasi baino lehen eratuko da.

Epaimahaia ezin izanen da ez eratu, ez jardun gutxienez kideen gehiengo osoa bildu gabe, ezta jardun ere epaimahaiburua eta idazkaria edo haien ordezkari direnak bertan ez daudelarik.

5.4. Epaimahaiak gehiengoz erabakiko ditu deialdiaren oinarriak ulertu eta aplikatzerakoan sor daitezkeen afera guztiak.

5.5. Epaimahaiak aholkulari adituen laguntza eska dezake probarako. Aholkulari horiek haien espezialitate teknikoetan baizik ez dira ariko, eta horixetan bakarrik emanen diote laguntza epaimahaiari.

Seigarrena. Gainditzen dutenen zerrendak.

6.1. Behin proben kalifikazioa bukatuta, epaimahaiak argitara emanen ditu Iruñeko Udalaren iragarki-taulan eta webgunean –zein bere kabuz eta izena, abizenak NANA eta puntuazioa adierazita– honako hauek:





- Prestakuntzarako zerbitzu berezien egoeran aritzeko deialdia gainditu duten izangaien zerrenda, erdietsi duten puntuazio osoaren hurrenkeran.
- Aldi baterako kontratazioari dagokion deialdia gainditu duten izangaien zerrenda, lortutako puntuazio osoaren hurrenkeran.

Halaber, Epaimahaiak Giza Baliabideetako zuzendariari igorriko dizkio zerrendak, onets ditzan, hautapen-prozesuaren espediente osoarekin batera.

6.2. Izangaiek guztira lortzen dituzten puntuetan gerta litezkeen berdinketak Epaimahaiak ebatziko ditu irizpide hauekin bat:

- a) Prestakuntzarako izangaien deialdia: puntuetan berdinketarik gertatuz gero, eskabideak aurkezteko epea bukatzen den egunean izangaiek aitorturik daukaten antzintasunaren arabera erabakiko da. Berdinketak bere horretan jarraituz gero, zozketa bidez ebatziko da.
- b) Aldi baterako kontratazioarako deialdia: berdinketarik gertatuz gero, hautapen-prozesuaren bigarren atalean –proba teoriko-praktikoan– lortutako puntuaziorik altuenaren arabera erabakiko da. Berdinketak bere horretan jarraituz gero, Tokiko Ekonomia Jasangarriko Alorrean –Giza Baliabideak– eginen den zozketa bidez ebatziko da, eta berdinduta dauden izangaiei deituko zaie, zozketan egon daitezen.

Izangai-zerrendak izangaiek deitzeko hurrenkerarekin bat onetsi aurretik, desgaitasuna egiaztatu duten izangaiei osasun-azterketa bat eginen zaie, lanposturako gaitasuna zehazte aldera.

Zazpigarrena.- Izangaien zerrendak eta dei egitea.

Behin jasota hautapen-prozesuaren espediente osoa, Giza Baliabideetako zuzendariak ebazpen bidez onetsiko ditu izangai-zerrendak, izangaiek deitzeko hurrenkerari lotuta (izena, abizenak, NANA eta lortutako puntuazioa agertuko dira), eta ikusgai paratuko dira Udalaren iragarki-taulan eta [www.pamplona.es](http://www.pamplona.es) webgunean..

Ebazpen honek onesten dituen deialdien oinarriek ezartzen dutenarekin bat deituko zaie arau honek aipatzen dituen zerrendetako izangaiei, eta kasu guztietan bermatuko da prestakuntzarako izangaiek lehentasuna edukiko dutela aldi baterako kontratazioarako izangaien aurretik. Momentu horretan aurkeztu beharko dituzte III. atalean aipatutako jatorrizko dokumentuak edo fotokopia konpultsatuak edo legeekin bat kautotuak. Bi deialdietako arau komunak, bigarren oinarria.

Zortzigarrena.-Errekurtsoak.

Deialdi honen nahiz haren oinarrien eta hura aplikatzeko egintzen aurka, errekurtsio hauetariko bat paratzen ahal da, aukeran:



- a) Berraztertzeko errekurtsua, egintza zein organok egin eta horri zuzendua, hilabeteko epean, egintza jakinarazi edo argitaratu eta biharamunetik aitzina.
- b) Gora jotzeko errekurtsua, Nafarroako Administrazio Auzitegiari zuzendua, hilabeteko epean, errekurritutako egintza edo erabakia argitaratu edo jakinarazten denetik aitzina.
- c) Administrazioarekiko auzi-errekurtsua, Administrazioarekiko Auzien Iruñeko Epaitegiari zuzendua, bi hilabeteko epean, errekurritu nahi den egintza edo erabakia jakinarazi edo argitaratu eta biharamunetik aitzina.

Epaimahai kalifikatzailearen egintzen aurka, gora jotzeko errekurtsua aurkez daiteke, deialdia egin duen udal-organoari zuzendua, hilabeteko epean, errekurritutako egintza edo erabakia jakinarazten denetik aitzina.

Iruña. 2017ko apirilaren 26an-Iñigo Anaut Peña jauna, Giza Baliabideetako zuzendaria.



## I. ERANSKINA

### ESKABIDEA, DEIALDIAN PARTE HARTZEKO, ELIKAGAI INDUSTRIAKO GOI-MAILAKO TEKNIKARI LANPOSTUAN ALDI BATERAKO KONTRATU BIDEZ ARITZE ALDERA

<b>IZEN-ABIZENAK</b>		
<b>NAN / AIZ</b>		<b>JAIOTEGUNA</b>
<b>NAZIONALITATEA</b>		<b>EGUNGO HELBIDEA</b>
<b>POSTA KODEA / HERRIA</b>	<b>TELEFONO MUGIKORRA</b>	<b>TELEFONO FINKOA</b>
<b>POSTA ELEKTRONIKOA</b>		

Desgaitasunaren egiaztapena. (Hala badagokio, soilik)

Desgaitasuna dut, eta eskabidearekin batera egiaztatzen dut.

Nire desgaitasuna dela-eta, eransten dudan egokitzaipena eskatzen dut, adierazten ditudan arrazoiengatik (beste orri batean).

#### AZALPENA:

Ez dut eritasun edo akats fisikorik edo psikikorik, karguan aritzea galarazten didanik, eta ez dut indarra duten xedapenetan ezarritako ezintasunik.

Ez naiz diziplina espediente bidez berezia izan inongo administrazio publikoren zerbitzutik, eta ez nago desgaituta edo gabetuta eginkizun publikoak betetzeko.

Deialdian eskatzen diren tituluen jabe naiz eta deialdiko baldintza guztiak betetzen ditut, eskabideak aurkezteko epea bukatzen den egunean.

#### ESKAERA:

Onartua izatea hautaprobei bidez izangai-zerrenda bat osatzeko deialdian, ELIKAGAI INDUSTRIAKO GOI-MAILAKO TEKNIKARI aritze aldera, aldi baterako kontratu bidez. Deialdia 2017ko \_\_\_\_ Nafarroako ALDIZKARI OFIZIALEAN argitaratu zen, \_\_\_\_\_aren \_\_\_\_ (e)koan .

DATUEN BABESA. Izaera Pertsonaleko Datuak Babesteari buruzko abenduaren 13ko 15/1999 Lege Organikoan ezarritakoa betez, jakitera ematen dizugu datu pertsonalak Iruñeko Udalaren Udal Langileak izeneko fitxategian bilduko direla, hautapen-prozesua kudeatze aldera. Halaber, jakitera ematen dizugu baduzula aukera datuetan sartu, datuak zuzendu, ezereztu eta haien kontra egiteko eskubideak gauzatzeko, Erregistro Orokorrean joaz (Kale Nagusia, 2 – 31001 Iruña), edo egoitza elektronikora ( [www.pamplona.es](http://www.pamplona.es) ).

Iruñean, 2017ko ..... aren ..... (e)an  
(Sinadura)



## I. ERANSKINA

### ESKABIDEA, DEIALDIAN PARTE HARTZEKO, IZANGAI-ZERRENDA BAT OSATZE ALDERA, ELIKAGAI INDUSTRIAKO GOI-MAILAKO TEKNIKARI LANPOSTUAN PRESTAKUNTZARAKO ZERBITZU BEREZIEN EGOERAN ARITZEKO

<b>IZEN-ABIZENAK</b>		
<b>NAN / AIZ</b>	<b>JAIOTEGUNA</b>	
<b>NAZIONALITATEA</b>	<b>EGUNGO HELBIDEA</b>	
<b>POSTA KODEA / HERRIA</b>	<b>TELEFONO MUGIKORRA</b>	<b>TELEFONO FINKOA</b>
<b>POSTA ELEKTRONIKOA</b>		

#### AZALPENA:

Deialdian eskatzen diren tituluaren jabe naiz, eta horiek jardunean aritzeko eskatu zaizkidanez bestekoak dira.

Eskabideak aurkezteko epea bukatzen den egunean, eskatzen diren baldintza guztiak betetzen ditut.

#### ESKAERA:

Onartua izatea hautaprobaren bitartez izangai-zerrenda osatzeko deialdian, ELIKAGAI INDUSTRIAKO GOI-MAILAKO TEKNIKARI aritze aldera, prestakuntzarako zerbitzu berezien egoeran. Deialdia 2017ko \_\_\_\_\_. Nafarroako Aldizkari Ofizialean argitaratu zen, \_\_\_\_\_aren \_\_\_\_ (e)koan .

DATUEN BABESA. Izaera Pertsonaleko Datuak Babesteari buruzko abenduaren 13ko 15/1999 Lege Organikoan ezarritakoa betez, jakitera ematen dizugu datu pertsonalak Iruñeko Udalaren Udala Langileak izeneko fitxategian bilduko direla, hautapen-prozesua kudeatzeko aldera. Halaber, jakitera ematen dizugu baduzula aukera datuetan sartu, datuak zuzendu, ezereztu eta haien kontra egiteko eskubideak gauzatzeko, Erregistro Orokorrean joaz (Kale Nagusia, 2 - 31001 Iruña), edo egoitza elektronikora ( [www.pamplona.es](http://www.pamplona.es) ).

Iruñean, 2017ko ..... aren ..... (e)an  
(Sinadura)



## II. ERANSKINA

1. Elikagaien segurtasuna Europar Batasunaren esparruan. Higiene-arauak elikagaiei buruz. 852/2004 Erregelamendua (EE).
2. Ikuskatzailetza: aplikatu beharreko legeria. Osasun Publikoaren ikuskatzaileen eskumenak. Elikagaien ikuskapena eta kontrola. Ikuskapen-aktak, arau-haustekak.
3. Elikagaien laginak hartzea, garraioa eta analisiak.
4. Autokontrolak, elikagai-industrian. Higieneari buruzko jardunbide egokien gidak . Kontzeptua, oinarriak eta arau aplikagarriak. Administrazioak gauzatu beharreko kontrola.
5. Elikagaien Higieneari buruzko Iruñeko Ordenantza.
6. Elikagaien txikizkako merkataritza. Elikagaiak saltzeko makinak. Autokontrola. Ikuskapena eta kontrola.
7. Merkataritza ez-egonkorra. Ikuskapena eta kontrola.
8. Higiene-arauak jaki prestatuak egiteko, banatzeko eta merkaturatzeko. Ikuskapena eta kontrola.
9. Kontsumitzaileendako argibideak elikagaiei buruz. Arau orokorra, elikagaiei buruz argibideak ematearen gainean, honako kasu hauetan: elikagaiak azken kontsumitzaileei eta gizataldeei saltzeko ontziratze gabe salgai jartzea, elikagaiak erosleak berak eskaturik saltokian bertan ontziratzea eta elikagaiak txikizkako merkataritzako titularrek ontziratzea.
10. Elikagai bidezko toxiinfekzioak. Definizioa. Kutsadura-mekanismoak. Elikagai bidezko toxiinfekzioak eragiten dituzten agente biotiko eta abiotiko nagusiak. Prebentzioa eta kontrola.